



MEMORIA DE SUSTENTABILIDADE 2023

CEGASAL. Asociación Empresarial Galega de Centros Especiais de Emprego sen Ánimo de Lucro

Relación de actividades realizadas pola asociación empresarial galega de centros especiais de emprego de iniciativa social e emprendemento colectivo, CEGASAL, durante o período xaneiro a decembro de 2023.



-
- I. Benvido/a a esta Memoria
 - II. Sobre CEGASAL
 - III. Asociados
 - IV. Os servizos de CEGASAL:
 - Información e asesoramento
 - Integración vertical
 - Proxectos
 - Colaboración empresarial
 - Outras actividades
 - Canle responsable
 - Outras actividades promocionais
 - V. Rede CEGASAL Inclúe
 - VI. Actividades a prol da Economía Social
 - VII. O foco da sostenibilidade
 - Relación con grupos de interese
 - VIII. Modelo de gobernanza
 - Goberno corporativo
 - Equipo técnico
 - IX. Dossier de prensa
-



I. Benvido/a a esta memoria

A integración das persoas con discapacidade no mercado laboral é un dos principais obxectivos das políticas de emprego, sendo prioritario o seu acceso ao mercado laboral ordinario, realizando accións que actúen contra os problemas de discriminación, a eliminación de barreiras de entrada e polo incentivo e sensibilización do empresariado.

Mais existe un espazo propio denominado *emprego protexido* no que o papel dos centros especiais de emprego é imprescindible para xerar oportunidades laborais a persoas con discapacidade que non acceden ao mercado laboral, xerar oportunidades de tránsito e profesionalización e desenvolvemento de capacidades, e permitir o dereito ao traballo dun gran número de profesionais.

Ditos espazos son a día de hoxe un motor de emprego, riqueza e crecemento sostible, representativo da economía social que debe ser potenciado e profesionalizado así como apoiado por organizacións creadas para representar e defender estas iniciativas.

Sendo Galicia unha das comunidades autónomas que apostan por un emprego protexido de calidade e diferenciado, ao distinguir aos centros especiais de emprego de iniciativa social no seu rexistro, é necesario que as organizacións creadas polas citadas iniciativas ocupen parte das súas actividades a poñer en valor os principios, valores e modos de traballar das mesmas.

Un ano máis, CEGASAL, consciente das dificultades que atravesan as iniciativas asociadas, apostou por continuar ao seu lado, priorizando aspectos que xeran entornos máis favorables para os centros especiais de emprego de iniciativa social e emprendemento colectivo, tanto nos aspectos comerciais, como institucionais, comunicativos e promocionais.

CEGASAL continua traballando como o ben facendo ata estes momentos, pasiño a pasiño, para fomentar o emprego de calidade das persoas con discapacidade e persoas en risco de inclusión social e para que toda a actividade económica, social e empresarial de Galicia poda medrar dun xeito máis sostible, xusto e equitativo.

Herminio Martínez Lago

Presidente CEGASAL



II. Sobre CEGASAL

CEGASAL é unha asociación empresarial galega aglutinadora de centros especiais de emprego de iniciativa social (CEEIS) e/ou de asociacións de persoas con discapacidade. O seu fin é a defensa, promoción e representación desas entidades. A súa loita, á fin e ao cabo, é a do emprego de calidade das persoas con discapacidade e persoas en situación de risco de exclusión social e a súa inclusión na actividade económica, social e empresarial de Galicia.

CEGASAL nace no ano 1997 pola necesidade dun grupo de entidades do Terceiro Sector do movemento asociativo de persoas con discapacidade, de dar resposta ás necesidades de emprego do colectivo. Para o cal puxeron en marcha un conxunto de iniciativas empresariais de iniciativa social e emprendemento colectivo, baixo o amparo legal previsto na Lei de Integración Social das Persoas con Discapacidade, actualmente refundida xunto con outras normas que proclaman e protexen os dereitos das persoas con discapacidade, no Real Decreto legislativo 1/2013, de 29 de novembro, polo que se aproba o Texto Refundido da Lei Xeral de dereitos das persoas con discapacidade e da súa inclusión social.

Así, un grupo de cinco centros especiais de emprego decidiron constituír esta asociación empresarial.

Os CEEIS son un entorno laboral concibido e deseñado especificamente para as persoas con discapacidade, onde as funcións e tarefas desenvolvidas adecúanse a súa situación e necesidades. Os CEEIS deben contar nos seus cadros de persoal con, alo menos, un 70% de persoas empregadas con algunha discapacidade recoñecida.

O seu obxectivo principal é de realizar unha actividade produtiva de bens ou servizos, participando regularmente nas operacións do mercado e teñen como finalidade o asegurar un emprego remunerado para as persoas con discapacidade.

A finalidade dos centros especiais de emprego é asegurar un emprego remunerado para as persoas con discapacidade, á vez que ser un medio de inclusión do maior número de persoas no réxime de emprego ordinario. E esta finalidade alcánzase mediante a realización, no centro especial de emprego, dunha actividade produtiva de bens ou servizos, participando regularmente nas operacións do mercado, a través da prestación de servizos de axuste persoal e social que requiran as persoas traballadoras con discapacidade do centro, segundo as súas circunstancias e características.

CEGASAL ten unha estrutura similar a de calquera asociación empresarial, pero as persoas integrantes responden á misión da organización.

CEGASAL conta con instalacións na rúa Dublín 3, Baixos 15707 Santiago de Compostela, cun despacho habilitado e equipamento informático, así como autorización de uso da liña telefónica, acceso a internet e unha centraliña compartida.

Entre as **funcións** que desenvolve CEGASAL atópanse:

- a negociación colectiva no sector
- diálogo social
- a participación institucional
- a xestión económica ou a promoción empresarial



Foto: [Coregal](#)

A fortaleza de CEGASAL reside nas súas entidades asociadas. Na actualidade contamos con **31 entidades asociadas**, centros especiais de emprego de iniciativa social de 14 sectores produtivos: artes gráficas, alimentación, atención socio-sanitaria, transporte, selección e recollida de residuos, restauración, artesanía, outsourcing, consultoría, comercialización de embalaxes e produtos para a industria, a automoción, servizos de xardinería, limpeza viaria e viveirismo, así como no sector agrícola e gandeiro ou actividades téxtiles, entre outras.

As nosas entidades representan un total de **2.206 persoas traballadoras, das cales 1.902 son persoas con discapacidade**. Do total de empregados/as das nosas entidades, 1.323 son homes e 852 son mulleres. Facendo unha análise por xénero das persoas empregadas con discapacidade, 1.249 son homes e 878 son mulleres.

2.206 PERSOAS TRABALLADORAS	40% MULLERES	60% HOMES
89% PERSOAS CON DISCAPACIDADE	35% MULLERES	65% HOMES

III. Asociados

ACCEDE SOCIAL

Servizos | Transporte

Centro especial de emprego sen ánimo de lucro de iniciativa social dedicado a ofrecer servizos de transporte adaptado, posibilitando a mobilidade de grupos de persoas con discapacidade ou en situación de dependencia.

Centros de traballo:

- Rep. Checa 17, Costa Vella, Santiago de Compostela (A Coruña)
- Avda. de Toeira 42, Edificio Usos múltiples - Neda
- Hospital Rebullón s/n, Puxeiros, Mos (Pontevedra)

AIXIÑA

Varios | Servizos sociosanitarios, restauración e talleres de montaxe

Centro especial de emprego sen ánimo de lucro de iniciativa social que realiza tres liñas de servizos diferenciados: prestación de servizos

sociosanitarios, servizos de restauración en locais e a domicilio e talleres de montaxes.

Centros de traballo:

- R/. Recaredo Paz 1, Finca Sevilla (Ourense)
- Praza Maior 12, Ourense

AMBAR ACCIÓN SOCIAL

Servizos | Asistencia persoal

Centro especial de emprego sen ánimo de lucro de iniciativa social dedicado á organización, realización e xestión de servizos de asistencia persoal.

Centros de traballo:

- Lugar de Granxa 5, San Roque, Ribeira (A Coruña)
- R/. Castelao 5, A Pobra do Caramiñal (A Coruña)

ANDAINA PRO SAÚDE MENTAL

Alimentación e restauración | Elaboración de sidra, zumes e pulpas naturais

Centro especial de emprego sen ánimo de lucro de iniciativa social que busca a inserción laboral de persoas con enfermidade mental residentes nas áreas rurais da comarca Ulla-Sar e a Mancomunidade de Ordes.

Centros de traballo:

- Lugar de Vigo 138, Dodro (A Coruña)

ARTEGALIA

Varios | Loxística

Centro especial de emprego sen ánimo de lucro de iniciativa social dedicado á distribución especializada en mascarillas, embalaxes, roupa laboral, EPIS, produtos químicos, traballos de manipulación, empaquetados, etc.

Centros de traballo:

- Parroquia de Cortiñán, Parcela I-9 P.I. Bergondo (A Coruña)

ASOCIACIÓN COMPOSTELÁ DE AUTOTAXI

Servizos | Transporte

Centro especial de emprego sen ánimo de lucro de iniciativa social dedicado a proporcionar ás persoas usuarias servizos de transporte adaptado de taxi, a través da central de Radiotaxi na área de Santiago de Compostela.

Centros de traballo:

- Praza Camilo Díaz Baliño s/n, Santiago de Compostela

ASPAMADIS

Medio ambiente | Xardinería e limpeza

Centro especial de emprego sen ánimo de lucro de iniciativa social dedicado a actividades de xardinería e limpeza mediante a integración de persoas con discapacidade intelectual.

Centros de traballo:

- Praza 1000 baixo 3, local 2, Ourense

COMBINA SOCIAL

Servizos | Consultaría, benestar e auxiliares

Centro especial de emprego sen ánimo de lucro de iniciativa social dedicado á organización de servizos auxiliares para empresas como: recepción, limpeza, conserxería, control de accesos, loxística, procesos industriais e consultaría especializada en accesibilidade universal.

Centros de traballo:

- R/ Dublín 3, Baixos, Santiago de Compostela (A Coruña)
- Edificio Cadoiro Centro de Negocios - R/. Rep. Checa 52, P.E. Costa Vella, Santiago de Compostela (A Coruña)

GES

Servizos | Consultaría, benestar e auxiliares

Centro especial de emprego sen ánimo de lucro de iniciativa social dedicado á xestión empresarial e consultaría.

Centros de traballo:

- Rep. Checa 17, P.E. Costa Vella, Santiago de Compostela (A Coruña)

DIXARDIN

Medio ambiente | Xardinería e paisaxismo

Centro especial de emprego sen ánimo de lucro de iniciativa social dedicado a servizos integrais de xardinería e paisaxismo.

Centros de traballo:

- LG. A Pedra, Nanton, Cabana de Bergantiños (A Coruña)
- LG. de Raíces 1, Ames, Santiago de Compostela (A Coruña)
- LG. A Robaleira, Abellería, Muros (A Coruña)
- LG. Ponte do Gato, Rendal, Arzúa (A Coruña)

EMPREGO SOCIAL

Varios | Xardinería, limpeza e cerámica

Centro especial de emprego sen ánimo de lucro de iniciativa social vinculado á Asociación Prol Enfermos Mentais da Coruña que conta con catro liñas: xardinería, produción de plantas de tempada, limpeza viaria e de instalacións e modelaxe en cerámica.

Centros de traballo:

- R/. das Rúas 3, baixo Cambre (A Coruña)

ERIT

Medio ambiente | Xardinería

Centro especial de emprego sen ánimo de lucro da Asociación Itinera, voluntarios en saúde mental, dedicado ao traballo de xardinería e

mantemento de zonas verdes e dirixido á inserción laboral de persoas con trastornos mentais.

Centros de traballo:

- R/. República Argentina 22, 5º izq, Santiago de Compostela (A Coruña)

COREGAL

Medio ambiente | Xestión de residuos

Centro especial de emprego sen ánimo de lucro de iniciativa social fundado en 1994. Dedícase á xestión integral de residuos para a redución, reutilización, reciclaxe e valorización dos residuos non perigosos, minimizando o depósito en vertedoiros.

Centros de traballo:

- Rep. Checa, 17 Costa Vella, Santiago de Compostela (A Coruña)
- Polígono Espiñeira, Parc. 28, Boiro (A Coruña)
- R/. Titanio D 5, P.I. Bertoa, Carballo (A Coruña)
- R/. Baloutas de Abaixo 14, P.I. de Veigadaña, Mos (Pontevedra)

ILUNION RETAIL E COMERCIALIZACIÓN

Varios | Venda de prensa e outros

CEEIS especializado en tendas de prensa local, nacional e internacional, revistas de divulgación xeral e específica, libros e agasallos. Situadas en centros hospitalarios de España.

Centros de traballo:

- R/. Estrada San Pedro - Catabois s/n, Ferrol A Coruña)
- R/. Meixoeiro s/n, Vigo (Pontevedra)
- Estrada Clara Campoamor 341, Vigo (Pontevedra)
- R/. Ramón Puga Noguerol 54, Edif. Hospitalización - Interior del hospital, Ourense

HORNOS LAMASTELLE

Alimentación | Elaboración de empanadas e sobremesas

Centro especial de emprego sen ánimo de lucro de iniciativa social do sector da alimentación, dedícase á fabricación e distribución de empanada galega, Torta de Santiago e biscoitos.

Centros de traballo:

- Avda. Rosalía de Castro 12, A Coruña
- Establecemento de venda directa: R/. Juan Flórez 134, A Coruña

I-LAB

Varios | Xoiería

Centro especial de emprego sen ánimo de lucro de iniciativa social dedicado á xoiería e artesanía galega ademais de realizar un servizo de transporte adaptado para persoas con mobilidade reducida.

Centros de traballo:

- R/. Rafael Alberti 10 baixo, A Coruña

GRAFINCO

Varios | Servizos gráficos

Centro especial de emprego sen ánimo de lucro de iniciativa social dedicado ao deseño especializado e impresión cunha ampla gama de produtos gráficos sobre todo tipo de soportes.

Centros de traballo:

- R/. da Luz 4, Fingoi (Lugo)

ILUNION CEEIS OUTSOURCING, S.S

Varios | Servizos gráficos

Centro especial de emprego sen ánimo de lucro de iniciativa social dedicado ao deseño e xestión de proxectos de *outsourcing* en procesos intensivos en man de obra, implantando solucións innovadoras.

Centros de traballo:

- R/. José Luís Bugallal Marchesi 9, A Coruña

ILUNION LAVANDERÍA

Servizos | Lavanderías industriais

Centro especial de emprego sen ánimo de lucro de iniciativa social dedicado á adquisición, tenencia, subministro, aluguer de todo tipo de roupa e lenzaría e a explotación comercial de lavanderías industriais, así como á promoción, dirección, xestión e administración de centros especiais de emprego, promoción laboral de persoas traballadoras con discapacidade, que teñan como obxecto principal a explotación comercial de lavanderías industriais.

Centros de traballo:

- R/. Vía Pasteur 17, P.I. Tambre, Santiago de Compostela (A Coruña)

ILUNION LIMPEZA E MEDIO AMBIENTE

Medio ambiente | Limpeza

CEEISIS dedicado a executar plans globais para a limpeza de todo tipo de instalacións, entre as que destacan edificios e locais, hipermercados e grandes superficies, centros hospitalarios, centros educativos e instalacións deportivas, fábricas e grandes cadeas de montaxe. Infraestruturas do transporte: portos, aeroportos e ferrocarrís.

Centros de traballo:

- R/. José Luís Bugallal Marchesi 9, A Coruña
- R/. San Roque 31-33, Lugo
- R/. Alameda do Cruceiro 9, Ourense
- R/. Gran vía 16, Vigo

ENTRELAMPO

Agricultura | Ovos campeiros

Centro Especial de emprego sen ánimo de lucro de iniciativa social dedicado ao sector agro-alimentario

Centros de traballo:

- Casa Reitoral de Marrozos, Lugar de Ardagán, Sta. María de Marrozos, Santiago de Compostela

SERVILAR

Servizos | Limpeza, lavandería industrial e manipulados

Centro especial de emprego sen ánimo de lucro de iniciativa social promovido pola Fundación Lar que nace co obxectivo de empregar a persoas con Trastorno Mental Grave (TMG) (limpeza, lavandería industrial e manipulados).

Centros de traballo:

- R/. Muíño Novo 3, Vilagarcía de Arousa (Pontevedra)

INSERTA EMPLEO

Servizos | Emrego e colocación

Centro especial de emprego sen ánimo de lucro de iniciativa social dedicado aos recursos humanos da Fundación ONCE.

Centros de traballo:

- Praza de Europa 15 A -2ª planta (CC Area Central), Santiago de Compostela (A Coruña)
- R/. Gran Vía 16, Vigo (Pontevedra)

INTEGRATEX

Varios | Têxtil e complementos

Centro especial de emprego sen ánimo de lucro de iniciativa social que consta de tres franquías de INDITEX que comercializan produto *outlet* (Massimo Dutti, TEMPE e Pull& Bear), xestionadas por persoas con discapacidade.

Centros de traballo:

- R/. Fonteiriña 4, Allariz (Ourense)
- R/. Fonteiriña 5, Allariz (Ourense)
- R/. Real 82, Ferrol (A Coruña)

ILUNION SERVICIOS INDUSTRIAIS

Automoción | Loxística e ensamblado de pezas

Centro especial de emprego sen ánimo de lucro de iniciativa social do sector auxiliar da automoción dedicado á inxección de plásticos e forrado de compoñentes de vehículos.

Centros de traballo:

- R/. 11, nave 6 esquerda P.I., San Cibrao das Viñas (Ourense)
- Avda. Castilla-La Mancha 11, Cabanillas del Campo, Vigo (Pontevedra)

MÁIS PORVIR XESTIÓN SOCIAL

Servizos sociosanitarios

Centro especial de emprego sen ánimo de lucro de iniciativa social con dúas liñas de actividade: servizos de atención socio sanitaria e servizos auxiliares a empresas e organizacións.

Centros de traballo:

- Centro de recursos de Nantón, Lugar da Pedra 30, Cabana de Bergantiños (A Coruña)

PRODUTORES DE CARNE DA RIBEIRA SACRA

Alimentación e restauración | Producción e comercialización de carne e derivados

Centro especial de emprego sen ánimo de lucro de iniciativa social dedicado á cría de gando con venda por xunto dos produtos derivados, así como comercialización directa en carnicería propia.

Centros de traballo:

- Carretera de Currelos s/n. Monforte de Lemos (Lugo)

TRAMEVE

Medio ambiente | Centro de tratamento de vehículos

Centro especial de emprego sen ánimo de lucro de iniciativa social cualificado como centro de tratamento de vehículos fóra de uso por sinistro ou fin de vida útil (C.A.T).

Centros de traballo:

- Vía La Cierva 90, P.I. Tambre, Santiago de Compostela (A Coruña)
- Avenida do Cruceiro da Coruña 141, Pulleira Santiago de Compostela (A Coruña)

TRÉBORE XARDINERÍA

Medio ambiente | Xardinería

Xardinería, tanto pública como privada, así como produción e cultivo de plantas ornamentais en maceta para a comercialización no mercado almacenista.

Centros de traballo:

- R/. Curros Enríquez 120, San Cosme de Maianca, Mera, Oleiros (A Coruña)
- Chan de Paisais. Aldea de Vigo Pol. Picaraña, Padrón (A Coruña)

TALLERES TRÉBORE

Varios | Limpeza e agasallos de empresa

Ligado á Fundación Paideia dedicado a dúas áreas: servizo de mantemento e limpeza de edificios e deseño gráfico e agasallo de empresa.

Centros de traballo:

- Polígono de Pocomaco, Quinta Avenida 91, A Coruña
- R/. Riego de Agua 13-15 1º, A Coruña

VIVEIROS VALADARES

Medio ambiente | Xardinería e viveiros

Centro especial de emprego sen ánimo de lucro de iniciativa social dedicado a servizos de xardinería. Tamén xestiona varios invernadoiros a través dos cales produce e comercializa plantas, arbustos e árbores.

Centros de traballo:

- Lamas de Castelo, Carnota, Lugar de Touzas s/n, Valadares, Outes, A Coruña



Foto: [Entrelampo](#)

IV. OS NOSOS SERVIZOS

INFORMACIÓN E ASESORAMENTO

Nas nosas oficinas ofrecemos apoio ás iniciativas empresariais. Igualmente, desenvolvemos a actividade administrativa e técnica da entidade facilitando asesoramento sobre axudas, lexislación, proxectos e atención de consultas.

Accións concretas que desenvolvemos neste ámbito son:

- Informar e asesorar de xeito integral ás persoas, entidades, centros especiais de emprego asociados e outros axentes que contactaron con CEGASAL
- Mellorar a interrelación dos centros especiais de emprego asociados e o resto de axentes da contorna

- Contribuír á proxección e posta en valor do sector da Economía Social na opinión pública tanto a nivel social e empresarial como institucional, entre outros, a través dos medios de comunicación
- Visibilizar e potenciar cadeas de valor responsable cos centros especiais de emprego de iniciativa social e emprendemento colectivo
- Promover a responsabilidade social empresarial (creación da *Rede CEGASAL Inclúe*)
- Fomentar a contratación de persoas con discapacidade tanto no mercado protexido como na empresa ordinaria
- Realizar tarefas de representación institucional e diálogo social potenciando a interlocución con axentes colaboradores
- Promover a implementación da Axenda para o Emprego: apoiar e colaborar na consecución dos obxectivos e retos previstos como axente colaborador da mesma
- Promover a implementación da Estratexia Galega de Discapacidade: apoiar e colaborar na consecución dos obxectivos e retos previstos como axente colaborador da mesma
- Mellorar a empregabilidade das persoas con discapacidade e facilitar o seu acceso ao mercado laboral
- Potenciar a relación e coordinación con redes que perseguen obxectivos semellantes, en distintos ámbitos

INTEGRACIÓN VERTICAL

Participamos en diferentes foros e entidades asociativas a nivel estatal e autonómico, o cal nos permite ter a capacidade de responder con maior rapidez ás necesidades das nosas entidades asociadas.

A nivel autonómico estamos presentes en:

- Confederación de Empresarios de Galicia
- Círculo de Empresarios de Galicia

- Rede Eusumo
- Foro pola Economía Social Galega (en adiante, ForoESgal)
- CERMI Galicia
- Cámara de Comercio de Coruña

A nivel estatal estamos presentes en:

- AECEMCO. Asociación Empresarial de Centros Especiais de Emprego
- FEACEM. Federación Empresarial de Asociacións de Centros Especiais de Emprego

PROXECTOS

CAPACITADAMENTE: MELLORANDO A EMPREGABILIDADE DAS PERSOAS CON TRASTORNO MENTAL SEVERO 2023- 2024

O proxecto foi o resultado dunha colaboración conveniada entre CEGASAL e a administración pública, SERGAS nomeadamente, e unha entidade privada, a empresa Jonhson&Jonhson.

A execución enmarcouse no Eixo 2 do Plan de Saúde Mental de Galicia e no Plan Galicia Emprega no seu apartado Emprega Persoas con Discapacidade ou en Risco de Exclusión Social.

O fin principal do proxecto foi ofrecerlle ás persoas con trastorno mental severo, derivadas da área sanitaria da Coruña, un proceso de inserción laboral progresivo para o cal, primeiramente, identificouse polo persoal profesional do SERGAS cales serían aquelas persoas que contaban cunha maior dificultade de inserción plena ao tempo se que priorizaron aquelas que xa estaban en procesos de rehabilitación psiquiátrica.

A metodoloxía e as actividades dividíronse nunha parte de formación teórica e formación práctica (prácticas prelaborais nos centros especiais de emprego).

En canto á formación teórica, tivo unha duración total de 30 horas. Realizouse na Escola Universitaria de Enfermería da Universidade de A Coruña e consistiu na impartición de 6 horas de formación en Habilidades

Sociolaborais e 12 horas de formación en Prevención de Riscos Laborais que foi impartida respectivamente, por parte da psicóloga de Capacidad@mente e a técnica en Prevención de Riscos Laborais de Galega de Economía Social. Ademais, incluíronse 9 horas de formación teórica nos propios centros especiais de emprego, onde o persoal titor designado por cada empresa mostrou ao alumnado en que consistirían as prácticas e as tarefas a realizar, ademais do material de traballo que utilizarían en cada posto.

Unha vez finalizadas as prácticas, realízose asesoramento individual en técnicas de búsqueda activa de emprego: perfeccionamento do perfil profesional, mellora do autoconñecemento, elaboración ou actualización do currículo vitae adaptado ao mercado laboral actual, búsqueda de ofertas de emprego, búsqueda en portais de emprego, simulacros e preparación para entrevistas, etc.

Finalmente, realizouse un acto de clausura onde se outorgou a cada alumno un diploma coas horas de prácticas para mellorar o seu currículo vitae, ou para levalo por exemplo, á súa Oficina de Emprego correspondente.

Ademais, dúas persoas foron contratadas polos centros especiais de emprego no que realizaron as prácticas, acadando inserción laboral en dúas das empresas participantes.

PROXECTO MELLORA DA COMPETITIVIDADE e APOIO Á CONSOLIDACIÓN DE EMPRESAS

O proxecto foi o resultado da colaboración coa Confederación Empresarial Española de la Economía Social (CEPES) enmarcada na convocatoria Programa Operativo de Inclusión Social e Economía Social (POISES).

A finalidade do mesmo foi reforzar as asociacións, federacións, unións ou agrupacións de entidades da Economía Social que facilitan a inserción laboral de persoas con discapacidade e/o en situación ou risco de exclusión social.

A metodoloxía consistiu na dinamización de grupos para a consecución dos mecanismos de reserva de mercado no sector público incluído un servizo de

asesoramento e asistencia técnica para os centros especiais de emprego de iniciativa social, empresas de inserción e cooperativas de iniciativa social xunto a análise de contratos reservados e adecuación á normativa vixente das cláusulas sociais e a porcentaxe de reserva de contratos de SP.

✚ PROXECTO EUROPEO “THE CIRCULAR WAY TO INCLUSION: YOUTH EMPOWERMENT THROUGH CIRCULAR ECONOMY”

En colaboración co Concello de Santiago naceu este proxecto que, despois do primeiro encontro que tivo lugar en Santiago de Compostela no xaneiro do 2023, foise avanzando na concreción do segundo paquete de traballo que se centra na economía circular, para poder obter como resultado unha guía de boas prácticas nesta temática existentes nas zonas de influencia dos socios participantes no proxecto que, como CEGASAL, unha vez validada compartirase na plataforma do proxecto.

Actualmente, tamén se está a traballar no seguinte paquete de traballo en torno a inclusión que dará lugar a unha nova guía que tamén será compartida do mesmo xeito.

Outra das liñas de traballo que se está a desenvolver é a referida ao desenvolvemento da plataforma online, na que se recollerán e compartirán os traballos realizados dentro do programa.

Unha das partes que conforman a plataforma, consistirá na incorporación á mesma dun breve resumo informativo de todas aquelas entidades que traballamos nos sectores que se desenvolven no proxecto, cuxo principal obxectivo é o de visibilizar o noso traballo e crear así un directorio de organizacións sociais que traballamos no eido da economía circular, da mocidade e da inclusión social, ao que calquera persoa con interese na temática poida acceder libremente.

✚ PROGRAMA DE COOPERACIÓN ESPAÑA-PORTUGAL INTERREG POCTEP: ECOSAÚDE

Resultado da colaboración coa Universidade de Vigo, presentámonos con 7 socios galegos e portugueses, a estas axudas europeas das que aínda esperamos resolución.

Nos últimos anos vén desenvolvéndose o consenso internacional de que a saúde das persoas non se pode acoutar a un ámbito concreto, senón que require traballar dunha maneira integral. A saúde, converteuse nun asunto público que require que Administracións, empresas, e organizacións de distinto carácter tomen medidas proactivas tendo en conta a interdependencia dos distintos ámbitos: a persoa, a familia, o lugar de traballo, a comunidade, e o ambiente social. Así, a promoción da saúde no lugar do traballo estase reenfocando, e estase convertendo nun asunto capital na estratexia de saúde global.

O obxectivo xeral deste proxecto foi establecer unha definición común de empresa saudable no contexto territorial da Eurorrexión GNP, así como deseñar e elaborar un indicador que permita determinar o desempeño das empresas, facilitando e testando iniciativas de mellora que beneficien ás propias organizacións (especialmente a PEMES), ás persoas traballadoras, e polo tanto ao territorio. Este indicador permitirá ao mesmo tempo ser unha ferramenta para identificar as empresas que abordan de maneira real os seus retos significativos e prioritarios na materia e para implementar proxectos pilotos saudables, con especial foco na contorna transfronteiriza.

Entre os seus obxectivos están:

- Proporcionar ás persoas nos seus lugares de traballo coñecementos, habilidades e recursos para mellorar a seguridade e saúde (incluíndo aspectos psicosociais e de saúde mental)
- Promover hábitos de vida saudables (actividade física, alimentación, control do tabaquismo)
- Impulsar na contorna melloras relacionadas con estas áreas a través do deseño dunha Estratexia de Promoción da Saúde Xeral no lugar de traballo
- Crear a Rede da Euroregión Galicia-Norte de Portugal de Promoción de Saúde no Lugar de Traballo, particularmente na contorna das

Pemes coa finalidade de influír de maneira positiva na xeneralización e visualización da promoción da saúde nos lugares de traballo.

Así mesmo, e co obxectivo de fixar e xerar coñecemento na materia, expónse a posibilidade de crear un Observatorio euroregional que permita detectar e propoñer as mellores prácticas, así como a emisión de certificacións.

ACORDO MARCO DE COOPERACIÓN COS PROXECTOS FORMATIVOS DA FUNDAE PARA A ECONOMÍA SOCIAL

Estes proxectos formativos tiveron e teñen, xa que segue en vigor, o obxectivo de mellorar as competencias das persoas dentro das empresas e entidades da Economía Social para potenciar o desenvolvemento do sector.

Os obxectivos son:

- Definir e implementar un conxunto de medidas de difusión para as entidades de Economía Social, encamiñadas a que, principalmente, os seus traballadores, socios traballadores e socios con actividade económica realicen a formación que se lles ofertará.
- Potenciar a imaxe das entidades de Economía Social como impulsoras da capacitación do sector.

COLABORACIÓN EMPRESARIAL

Mediante a materialización de acordos ou actividades que melloran a competitividade dos centros especiais de emprego asociados, adoptamos distintos tipos de cooperación segundo o obxectivo económico ou social a alcanzar.

- Convenios de colaboración
- Acordos de cooperación con provedores
- Intercambios

En 2023 firmamos un novo convenio de colaboración con Janssen (Johnson&Johnson).

PROXECTOS DE IMPACTO SOCIAL

Dende CEGASAL impulsamos proxectos en colaboración con entidades públicas e privadas para favorecer as condicións sociolaborais das persoas con discapacidade en Galicia.

OUTRAS ACTIVIDADES

1. Participación en grupos de traballo de organismos públicos.

En concreto en:

- Consello Galego de Acción Voluntaria
- Rede Eusumo
- Consello Galego de Benestar Social
- Consello Galego de Relacións Laborais
- Consello da Economía Social de Galicia. Comisión de seguimento de reservas de contratos
- Forum xurídico da EAPN

2. Entrega dos Premios CEGASAL de Xornalismo:

A GALA CEGASAL tivo lugar o 21 de novembro, en Santiago de Compostela.

A profesionalidade dos xornalistas obriga a narrar a realidade; a súa humanidade permite facelo dando valor e eco a quen máis o merece, aínda que non figure entre as prioridades dos medios. Iago Ebrero, do diario dixital Enfoques.gal, e Cristina Barral, redactora na edición de Pontevedra de La Voz de Galicia, recibiron os Premios CEGASAL de Xornalismo de mans do presidente da Xunta de Galicia, Alfonso Rueda. Ningún deles achegouse aos centros especiais de emprego en busca dun premio. Fixérono para contar historias que merecen ser contadas. Pero o seu rigor, fuxindo do excesivo proteccionismo, e capacidade comunicativa si que os fan merecedores de ser premiados. Sen ánimo de lucro, con ánimo de xustiza.

Os dous profesionais recibiron o galardón pola súa sensibilidade á hora de informar sobre os centros especiais de emprego sen ánimo de lucro e a súa labor a favor da integración no mercado laboral das persoas con discapacidade

Tamén foron premiados, a Consellería de Sanidade, a empresa farmacéutica Jonhson&Jonhson, o Concello de Ames e a secretaria xeral de Medios da Xunta de Galicia. O apoio das administracións e empresas aos diferentes proxectos que desenvolve CEGASAL, como é o caso da Consellería que dirixe Julio García Comesaña ou Jonhson&Jonhson; ou a aposta dunha Administración local por fomentar unha contratación responsable como está a facer o Concello de Ames foron postos en valor no transcurso do evento que contou coa condución do acto polo xornalista Terio Carreira.

Por último, o Premio Especial CEGASAL, que homenaxea a unha persoa e a súa traxectoria, recaeu o pasado ano na secretaria xeral de medios da Xunta de Galicia, Silvia Valdés Díaz de Freijo. O seu apoio decidido, desde os diferentes postos que desempeñou na Administración autonómica, fixéronlle merecedora desta distinción.

Para a GALA contamos coa colaboración do Parlamento de Galicia.

3. Exposición fotográfica:

CEGASAL, da man da Deputación Provincial da Coruña, visibilizaron o emprego das persoas con discapacidade cunhas exposicións fotográficas e unha xornada de traballo en Ortigueira.

Con estas exposicións quixemos achegar o mundo laboral das persoas con discapacidade. Foron catro exposicións organizadas nos concellos de Arteixo, Carballo, Ortigueira e A Pobra do Caramiñal. Cada unha das exposicións contou cunha inauguración institucional.

Nos nosos Centros especiais de emprego de iniciativa social fomentamos o traballo de calidade para as persoas con discapacidade cuxos valores e valentía quedan plenamente demostrados na súa labor diaria en cada unha das 32 empresas que conforman a organización.

En canto á primeira das exposicións, esta levouse acabo en Ortigueira, na Casa do Concello. Inaugurada, oficialmente, polo seu alcalde e os presidentes da Deputación da Coruña, Valentín G. Formoso, e de CEGASAL, José Antonio Vázquez Freire permanecendo 23 días no claustro do Teatro da Beneficiencia para que os veciños e veciñas da contorna puideran acceder a vela.

A xornada do 16 de xaneiro completouse cunha mesa redonda sobre Contratación Socialmente Responsable: *“A Reserva de Contratos a Centros Especiais de Emprego de Iniciativa Social como instrumento para o impulso do emprego das persoas con discapacidade”*, na que interviñeron Silvia Alende, xerente dun centro especial de emprego sen ánimo de lucro; Carlos Santos, xefe de Servizo da concellería de Servizos Sociais da Coruña e Javier Blanco, director da Asociación Foro da Contratación Socialmente Responsable, Foro con R.

A inclusión a través do emprego permite, non só a integración e capacitación laboral e económica senón tamén social e o empoderamento individual.

Este impacto social abarca a xeración de oportunidades para persoas en risco de exclusión social e tamén crea emprego digno, substitúe ao emprego informal, favorece a inclusión social, impulsa condicións laborais de calidade, a conciliación laboral e a accesibilidade, desenvolve capacidades e a reciclaxe profesional ou reduce a brecha no acceso a oportunidades.

Continuando coas exposicións, o concello de Arteixo foi a seguinte parada inaugurándose no Centro Cívico Cultural da localidade, inauguración asistida pola deputada provincial, Ana Lamas, o alcalde

de Arteixo, Carlos Calvelo, e o presidente de CEGASAL, José Antonio Vázquez Freire.

A obra, do fotógrafo coruñés Diego Silva, percorreu os centros especiais de emprego da entidade para plasmar coa súa cámara a actividade diaria destes profesionais.

Pondo fin ao ciclo de exposicións itinerantes, a última mostra chega ao concello de A Pobra do Caramiñal. A exposición, que ten coma escenario a Casa da Cultura Raquel Fernández Soler, e segue a amosar o traballo que desenvolve un grupo de persoas con discapacidade en varios centros especiais de emprego sen ánimo de lucro de Galicia.

A concelleira de Cultura, Patricia Lojo, a deputada provincial Ana Lamas e os vicepresidentes de CEGASAL, Mino Martínez e Silvia Alende, destacaron no acto inaugural da mostra a importancia deste tipo de eventos para dar a coñecer á sociedade a labor dos centros de iniciativa social.

4. Rolda institucional:

Durante este ano foron varias as xuntanzas mantidas por membros da xunta directiva e/ou o presidente de CEGASAL con diferentes entidades, públicas e privadas, de Galicia, principal, aínda que non exclusivamente. Cabe lembrar que, tras a asemblea extraordinaria de xuño do 2023, a presidencia da entidade cambia e asume o cargo Herminio Martínez no lugar de José Antonio Freire.

Mantense un contacto habitual cos representantes das diferentes consellerías da Xunta de Galicia. Obviamente, son máis numerosas as reunións coa Consellería de Promoción do Emprego e a Igualdade e coas súas diferentes direccións xerais. As universidades son tamén receptivas ás propostas de CEGASAL. O ano pasado, ademais, incidimos nesta relación asistindo ao V Congreso do Observatorio de Contratación Pública que se celebrou na UDC.

5. Participación nas actividades promovidas polo ForoESgal:

O Foro pola Economía Social Galega (en adiante, ForoESgal) é un espazo de encontro entre entidades da economía social galega, portavoz das súas demandas e propostas e un actor principal que favorece o impulso, a visibilidade e o recoñecemento da Economía social como motor de xeración de emprego, democracia económica, sustentabilidade, desenvolvemento rural e distribución de riqueza en Galicia. Entre os seus obxectivos figuran o de visibilizar e representar a economía social ante a sociedade galega e ante o resto de axentes políticos, económicos e sociais e favorecer o desenvolvemento destas entidades a través da intercooperación e o acceso a procesos de contratación pública.

O ForoESGal aglutina ás entidades que conforman as organizacións máis representativas das diferentes familias empresariais da economía social en Galicia:

- AEIGA: Asociación de Empresas de Inserción de Galicia
- AESGAL: Agrupación Empresarial de Sociedades Laborais de Galicia
- AGACA: Asociación Galega de Cooperativas Agroalimentarias
- CEGASAL: Asociación Empresarial Galega de Centros Especiais de Emprego sen Ánimo de Lucro
- ESPAZOCOOP: Unión de Cooperativas Galegas

Os seu principal obxectivo é visibilizar a Economía Social perante a sociedade e os principais axentes económicos mediante o desenvolvemento de accións de difusión da economía social ante os principais axentes económicos e sociais de Galicia, deseñándose as seguintes accións e actividades:

1.1 Difusión da exposición da historia da economía social galega:

Presentación da exposición da historia da economía social Galega no Parlamento de Galicia, exposta durante o mes de xaneiro, para que os

deputados e deputadas poideran coñecer a importancia do sector da economía social e a súa transcendencia histórica. De modo particular, organizamos unha visita guiada para os membros da comisión de Sanidade, Política social e Emprego do Parlamento de Galicia.

1.2 Día da Economía Social Galega e V aniversario do ForoESGal:

Neste día conmemóranse os avances da economía social en Galicia. Data de encontro do tecido asociativo e empresarial galego en torno á economía social. As cinco familias que conforman de ForoESGal celebraron, de entrada, senllas asembleas que acabaron confluindo nun plenario final baixo a premisa: *“O márketing e a comunicación nas empresas: os valores da economía social, un factor de competitividade?”*.

1.3 Día do Cooperativismo Galego:

A cooperativa AgroFlor de Narón acolleu a celebración deste día onde o ForoESGal estivo presente como parte da economía social galega.

1.4 Semana Universitaria da Economía Social: Centros, institutos e outras estruturas universitarias de investigación en Economía social en España e a nivel internacional, celebraron a 4ª Semana Universitaria da Economía Social. Un total de 127 actividades, en 26 universidades, programáronse co obxectivo de dar a coñecer a intensa actividade docente e de investigación universitaria sobre o sector das cooperativas, sociedades laborais, mutualidades, empresas sociais e terceiro sector de acción social.

CANLE RESPONSABLE

Dende marzo do 2020, CEGASAL conta cun Servizo de buzón de denuncias, unha ferramenta tecnolóxica ao servizo de todos que permite una xestión sinxela, económica e automatizada do canal ético ou de denuncias que debe formar parte do Programa de Cumprimento Normativo das persoas xurídicas.

Trátase dun servizo personalizado mediante o que se pode administrar, en tempo real e de maneira moi simplificada, as denuncias, reclamacións ou suxerencias que se formulan á entidade como consecuencia da súa actividade, o que permite verificar o cumprimento da legalidade e previr delitos.



CEGASAL dá acceso ao seu canal de denuncias a través da súa páxina web. O canal reconece a protección da identidade dos denunciante de boa fe e garante a confidencialidade das informacións facilitadas que serán analizadas polo órgano competente da entidade, encargado de velar, controlar e supervisar o incumprimento da normativa interna e externa de aplicación.

ACTIVIDADES PROMOCIONAIS

I. Servizos profesionais de fotografía

Como complemento ás accións de visibilización no programa de promoción de centros especiais de emprego, concertamos con profesionais especializados a realización de reportaxes fotográficos para cubrir os eventos principais de CEGASAL, así como cubrir as demandas de imaxe dos distintos centros asociados e dotalos de recursos gráficos, tanto para CEGASAL como para os propios centros especiais de emprego para que poidan reutilizalos noutros formatos.

CEGASAL utiliza estas imaxes a fin de conseguir maior impacto nas súas actividades, dar maior difusión e visibilizar aos centros asociados, e utiliza os

mesmos nas ferramentas que poña a súa disposición, principalmente na páxina web e redes sociais, presentacións públicas, powerpoint internos, guía de empresas e noutros materiais que dispuxo adquirir.

Ditos servizos foron concertados coa cooperativa Abeluria que conta cos coñecementos, habilidades e sensibilidade cara ao mundo da discapacidade axeitados ás esixencias de CEGASAL, evitando mensaxes paternalistas, asistencialistas e promovendo imaxes en positivo.

II. Ensino socialmente responsable:

Esta actividade consiste en visitar centros de ensino e preparar guías didácticas. Persoas responsables da nosa asociación (técnicas xurídicas, axentes de emprego, xerentes dos CEEIS) explican, nestas visitas, os distintos aspectos vinculados á fórmula empresarial dun Centro especial de emprego de iniciativa social.

Esta explicación destínase a estudantes de último curso da ESO e/ou Bacharelato.

V. REDE CEGASAL INCLÚE

A **REDE CEGASAL INCLÚE** é un punto de encontro e colaboración de empresas e entidades para as que as persoas con discapacidade atópanse entre os seus grupos de interese, é dicir, manteñen un compromiso con este colectivo na súa xestión, ben como empregadores e/ou compradores, provedores de produtos e servizos,...

A **REDE CEGASAL INCLÚE** nace para dar a coñecer boas prácticas e fomentar unha nova cultura empresarial inclusiva e entende a diversidade como un activo xerador de valor social e económico. A **REDE CEGASAL INCLÚE** pretende visibilizar a empresas e entidades referentes en Galicia, responsables e comprometidas coa igualdade de oportunidades, que co seu bo facer contribúen ao cambio social e á participación das persoas con



Empresas

discapacidade no noso territorio. Durante o 2021, sete novos empresarios uníronse o espazo de encontro e colaboración de empresas e entidades para as que as persoas con discapacidade se encontran entre os seus grupos de interese creado por CEGASAL no 2018.

A REDE CEGASAL INCLUE



VI. ACTIVIDADES A PROL DA ECONOMÍA SOCIAL

FESTIVAL DE ECONOMÍA CIRCULAR

O Festival de Economía Circular foi celebrado co propósito de visibilizar e concienciar na necesidade de transitar de cara a un modelo económico e produtivo sostible que conleve, a curto e medio prazo, a unha economía máis verde e social aliñando as prioridades económicas coa protección ambiental e o uso sostible dos recursos. De aí o concepto de “Economía Circular” como paradigma da forma na que a sociedade humana interactúa coa natureza (Estratexia Galega de Economía Circular 2019-2030).

O festival buscaba un impacto local para concienciar aos veciños e veciñas da importancia da contribución persoal a este cambio de modelo económico e social.

Actividades:

- Visitas aos centros escolares:

Impulsouse a visibilización da economía circular e os seus valores de igualdade, inclusión, accesibilidade, xestión responsable de recursos e residuos, e apoio ao consumo local e responsable en catro centros escolares da zona. Parte da actividade deste Festival consistiu en visitar ao alumnado do CEIP de Barouta, do CEP de Ventín, do CEIP Agro do Muíño e do CEIP A Maía para explicarlles o que é a economía circular e convidalos a asistir ao Festival.

O equipo docente mostrouse igualmente moi receptivo á aprendizaxe do camiño cara a unha economía circular na escola. En cada centro educativo deixáronse exemplares dunha Unidade Didáctica explicando que é a economía circular e propostas de talleres u

obradoiros para facer co alumnado ao longo do curso escolar cando así o determine o centro.

- Encontros entre entidades de economía social: FESTIVAL DE ECONOMÍA CIRCULAR

O Festival celebrouse nun espazo moi coñecido para a veciñanza de Ames, o Pazo da Peregrina, cunha contorna moi acaída para celebrar o día da Terra. A concorrencia ao encontro foi intermitente ao longo das súas catro horas de celebración chegando aos 200 visitantes de distintas idades.

Á entrada do Pazo estaban nove stands onde se mostraban as diferentes posibilidades que existen para combinar a economía circular coa economía social.

Foi un verdadeiro espazo de encontro e intercambio que mostrou as posibilidades da economía circular como fórmula de deseño, produción e consumo baseado nalgúns dos seus principios: eliminar residuos e contaminación e manter produtos e materiais en uso.

NETWORKING NORDÉS: TECENDO REDES ENTRE A ES E OUTROS

AXENTES ECONÓMICOS: COOPERACIÓN

O encontro networking plantexado é unha iniciativa que busca reunir profesionais e representantes de organizacións do tecido empresarial ordinario, concretamente os asociados ó club empresarial Nordés, club no que prima a innovación tecnolóxica, sostibilidade e integración.

A actividades vai dirixidas a consolidación de entidades de economía social, concretamente de CEEIS, que xeran emprego para persoas con discapacidade.

A actividade incidiu nas dimensións estratéxicas da economía social buscando xerar impactos sinérxicos cos axentes da economía convencional baixo premisas de intercooperación, fortalecemento dos sectores empresarias e desenvolvemento económico mais tendo en conta a

territorialidade onde se enmarca a actividade coas súas peculiaridades normativas para ambos actores, CEEIS e empresas convencionais.

Asociar empresas convencionais e da economía social expónse como unha ferramenta de cambio imprescindible para o avance e a cohesión da sociedade e para a transición cara a consecución dos Obxectivos de Desenvolvemento Sostibles.

ENCONTRO NETWORKING: ECONOMÍA SOCIAL - ECONOMÍA CIRCULAR

No 'Encontro Networking no sector da Economía Circular' online, organizado por CEGASAL e AEIGA máis dunha vintena de persoas puideron coñecer de primeira man as iniciativas que se están a desenvolver desde a economía social neste sector.

A economía circular é aquela na que o valor dos produtos, os materiais e os recursos mantéñense na economía durante o maior tempo posible, e na que se reduce ao mínimo a xeración de residuos, o que constitúe unha contribución esencial aos esforzos da UE encamiñados a lograr unha economía sostible, descarbonizada, eficiente no uso dos recursos e competitiva. É dicir, maximízanse os recursos dispoñibles para que estes permanezan o maior tempo posible no ciclo produtivo.

A economía circular aspira a reducir todo o posible a xeración de residuos e a aproveitar ao máximo aqueles cuxa xeración non se puido evitar. O que se aplica tanto aos ciclos biolóxicos como aos ciclos tecnolóxicos. Así se extraen materias primas, fábrícanse produtos e dos residuos xerados recupéranse materiais e substancias que posteriormente se reincorpan, de forma segura para a saúde humana e o medio ambiente, de novo ao proceso produtivo. En última instancia trátase de desvincular o crecemento económico do consumo finito de recursos.

O modelo económico actual é un modelo lineal, baseado en “tomar-fabricar-consumir-eliminar”. Este modelo é agresivo co medio e esgotará as fontes de subministración, tanto materiais como enerxéticas. Ademais neste tipo de

economía hai unha forte dependencia das materias primas, o que conleva un risco asociado á subministración, prezos elevados das mesmas e con moita volatilidade, así como unha redución significativa do capital natural, ademais das consecuentes perdas económicas. Faise por tanto necesario iniciar unha senda de transición para pasar da economía lineal á economía circular.



VII. O FOCO NA SOSTIBILIDADE

*En setembro de 2015, Nacións Unidas adoptou un conxunto de 17 obxectivos xerais e 169 metas para erradicar a pobreza, protexer o planeta e asegurar a prosperidade para todas as persoas, dentro da nova axenda de desenvolvemento sostible. Son os coñecidos como **Obxectivos de Desenvolvemento Sostible (ODS)**.*

Os ODS deben terse en conta para avanzar cara un futuro onde a rendibilidade das empresas vaia da man da sostibilidade social e ambiental. Esta ruta é común para todos os actores involucrados no desenvolvemento sostible incluíndo gobernos, empresas privadas e sociedade civil.

En CEGASAL traballamos sobre a base do apoio mutuo, a responsabilidade social e a solidariedade. Todo isto lévanos a deseñar e executar proxectos para contribuír á construción e consolidación dunha economía inclusiva e sustentable.

Por tanto, somos conscientes da importancia de contribuír como entidade á consecución dos ODS. Por iso, na nosa memoria de actividades, para cada un dos capítulos, informamos da nosa contribución a determinadas metas concretas.

RELACIÓN COS NOSOS GRUPOS DE INTERESE

Os grupos de interese son todas aquelas persoas ou grupos de persoas que, ou ben son afectadas pola actividade que desenvolve CEGASAL ou ben a afectan directamente. Por iso, consideramos imprescindible a participación de todos eles nas diferentes etapas da nosa xestión. Os nosos grupos de interese foron identificados nun obradoiro realizado coas entidades de CEGASAL no marco deste proxecto.

Somos conscientes de que non podemos crear valor de forma sostible e afrontar os retos e oportunidades que xorden na nosa contorna se non se teñen en conta as súas necesidades e expectativas. En CEGASAL temos identificados oito grupos de interese que están desagregados en diferentes niveis de interrelación.

Aministracións públicas

1. Xunta de Galicia

1.1. Consellería de Economía, Emprego e Industria

- Secretaría Xeral de Emprego
- IGAPE

1.2. Consellería de Política Social

- Dirección Xeral de Maiores e Persoas con Discapacidade

1.3. Resto de consellerías

2. Concellos

3. Mancomunidades

4. Deputacións

5. Delegación do goberno

Tecido empresarial

1. Pemes

2. Grandes empresas

3. Rede CEGASAL INCLÚE

4. Círculos de empresarios

5. Cámaras de comercio

6. Confederacións de empresarios

7. Clientela dos asociados de CEGASAL

Diálogo social

1. Asociacións patronais

2. Sindicatos

Provedores

1. Entidades financeiras

2. Provedores de produtos/servizos

A familia da economía social

1. Foro da Economía Social de Galicia

2. Outras entidades da economía social galega

2.1. Confrarías de pescadores

2.2. Asociacións

2.3. Mancomunidades de montes

2.4. Fundacións

2.5. Mutuas

2.6. Sociedades agrarias de transformación

3. Entidades asociativas da economía social a nivel nacional



As principais canles de comunicación cos nosos grupos de interese son a nosa páxina web, as redes sociais, as xuntanzas con entidades socias, a participación en reunións, foros, eventeos, entre outros.

CONEXIÓN
Creamos conexións coas nosas redes sociais

TWITTER
@Cegasal_CEEIS
179 novos seguidores
Máis de 200 publicacións

FACEBOOK
<https://www.facebook.com/Cegasal/>
423 novos seguidores
Máis de 390 publicacións

WEB
www.cegasal.com
Nova web
43.256 vistas

Dende CEGASAL traballamos para desenvolver proxectos vinculados aos aspectos materiais identificados como prioritarios para os centros especiais de emprego e os nosos grupos de interese. Estes aspectos, vinculados aos diferentes Obxectivos de Desenvolvemento Sostible, son:



Ademais destes asuntos materiais prioritarios tamén desenvolvemos proxectos para contribuír a conseguir a igualdade de xénero, a mellorar a saúde das persoas con discapacidade e a reducir o noso impacto no planeta.



VIII. O NOSO MODELO DE GOBERNANZA



Meta 16.6. Somos unha organización que cumprimos con todas as esixencias en materia de transparencia impulsadas polo goberno central e autonómico.

GOBERNO CORPORATIVO

Os órganos de goberno constitúense arredor de dúas figuras, a Asemblea Xeral e a Xunta Directiva, así coma un órgano de control e supervisión. Este órgano está formado por organizacións sindicais e entidades promotoras dos CEEIS.

A Xunta Directiva dirixe, goberna e administra a organización e está integrada por:

Presidente	Herminio Martínez Lago
Vicepresidente	Mayca Vidal Porto
Secretaria	Silvia Alende Fandiño
Tesoureira	Felipe Ovalle Pintor
Vogais	Ignacio Rodríguez Sáez
	Elena Rodríguez

A Xunta Directiva de CEGASAL está composta por seis persoas, que contan cun asesor externo con voz pero sen voto. A composición é de un 50% de homes e un 50% de mulleres. O 60% das persoas que a integran son persoas con discapacidade fronte a un 40% que non posúen ningún tipo de discapacidade.

	XUNTA DIRECTIVA			
	Con Discapacidade		Sen Discapacidade	
	Home	Muller	Home	Muller
Menores de 25 anos	0%	0%	0%	0%
Entre 26 e 35 anos	0%	10%	0%	0%
Entre 36 e 45 anos	20%	10%	10%	10%
Entre 46 e 55 anos	0%	10%	0%	0%
Entre 56 e 65 anos	20%	0%	10%	0%

A nova xunta directiva de CEGASAL constituída en xuño do 2023:



EQUIPO TÉCNICO:

CEGASAL somos unha entidade pequena que contamos con **3 persoas traballadoras**, o **100% mulleres** que, grazas a súa profesionalidade e bo facer, son as artífices de que a asociación pouco a pouco aglutine a máis centros especiais de emprego. E aí reside o noso potencial, o de transformar o mercado de traballo das persoas con discapacidade a través de fomentar os CEEIS entre o tecido empresarial.

O convenio colectivo de CEGASAL é o de Oficinas e Despachos da Coruña, algo que garante que as nosas traballadoras teñan os mesmos dereitos laborais que persoas que traballen noutras organizacións do mesmo sector.

O perfil do noso cadro de persoal é:

SEXO		DISCAPACIDADE		IDADE		LUGAR RESIDENCIA	
Mulleres	3	Sen Discapacidade	3	Entre 36 e 45 anos	2	Área periurbana	1
				Entre 26 e 35	1	Área urbana	2
Totais	3	Totais	3	Totais	3	Totais	3

O lugar de residencia é importante dende o punto de vista de accesibilidade das persoas con discapacidade. No noso caso, ao ser unha entidade pequena, todas as persoas traballadoras se desprazan en vehículo privado polo que a incidencia do lugar de residencia a nivel de mobilidade non ten gran incidencia.

CALIDADE NO EMPREGO

As persoas que traballan en CEGASAL perciben uns salarios dignos en base ao nivel de vida da nosa comunidade, acorde co seu convenio de referencia, moi superiores ao salario mínimo vixente por grupo profesional.

DOSSIER DE PRENSA

- CEGASAL e A Pobra visibilizan o emprego das persoas con discapacidade a través dunha mostra fotográfica
- Arranca “Capacidad@MENTE”, o programa de emprego para persoas con trastorno mental
- Carballo colabora con CEGASAL na visibilización do emprego das persoas con discapacidade
- CEGASAL aplaude a iniciativa do concelleiro non adscrito Javier Fernández que situará a Santiago “á cabeza da economía social”
- CEGASAL celebra o I Festival da Economía Circular en Ames coincidindo co Día da Terra
- Itínera formará a 30 personas con trastorno mental en rehabilitación de espacios verdes y cocina
- CEGASAL e a Deputación da Coruña visibilizan o emprego das persoas con discapacidade cunha exposición fotográfica
- Formoso destaca o papel de CEGASAL como xerador de emprego para as persoas con discapacidade

DATOS REDES SOCIAIS

- Web [CEGASAL](#)

Total visitas: 4.494

- Redes sociais. A 31 de decembro de 2023, Cegasal aumentou o número de seguidores nas súas redes sociais nun 33,56% respecto ao anterior, alcanzando a cifra de 1.361 seguidores repartidos do seguinte xeito.

- [Cegasal | Santiago de Compostela | Facebook](#)
Novos seguidores: 34
Total: 462
- [Cegasal Perfil \(@cegasal_ceeis\) · Fotos y videos de Instagram](#)
Novos seguidores: 111
Total: 247
- [CEGASAL \(@Cegasal_CEEIS\) / X \(twitter.com\)](#)
Novos seguidores: 61
Total: 385
- [Cegasal: Resumen | LinkedIn](#)
Novos seguidores: 123
Total: 267

CEGASAL